



Inatsisartunut ilaasortaq Astrid Fleischer Rex
MAANI

Kinguaassiuutitigut meeqqanik kajungerisaqarneq pillugu apeqqutit

Inatsisartunut ilaasortaq Astrid Fleischer Rex Inatsisartut suleriaasissaanni § 36, imm. 1 malillugu meeqqanik kinguaassiuutitigut kajungerisaqarneq pillugu Naalakkersuisunut apeqquteqarpoq.

Apeqqutigineqartut:

1. *Narsap kommuniani pisimasoq alianartog pillugu, qanoq Naalakkersuisut ikiuniarsimappat?*
2. *Pisimasoq qulaani taaneqartog pillugu Naalakkersuisut qanoq aningaasanik amerlatigisunik Narsap kommunianut tunniussaqaarsimappat?*

Apeqqutinut 1-imut 2-mullu akissutit:

Narsap kommunia aningaasaliivigineqarsimanngilaq, tassami Ilaqutariinnermut Pisortaqarfik siunertanut kommunip qinnutigisaanut tapiissuteqassalluni periarfissaqanngimmat, tamakku immikkut isumaginninnermi perorsaanermit tunngatillugu neqeroorutaasimanngippata imaluunniit meeqqanut inuusuttunullu ikiorsiisarneq pillugu Inatsisartut peqqussutaat nr. 1, 15. april 2003-meersumi § 35 naapertorlugu misiliilluni suliunitaasimanngippata Naalakkersuisunit akuersissutigineqareersut. Taamaammat kommuni siunnersorneqarpoq meeqqanut inuusuttunullu ikiorsiisarneq pillugu peqqussummi § 35 naapertorlugu neqeroorummik pilersitseqqullugu kiisalu nalunaarfigineqarluni pisortaqarfiup tapiissutissat pillugit qinnuteqaat suliarissagaa aqqitassat tamakku inissinneqareerpata.

Ilaqutariinnermut Pisortaqarfiup Narsap kommunianit akissuteqartoqarnissaa utaqqivaa.

3. *Naalakkersuisut isumaqarpat, Narsap kommunia naammattumik ikiorneqaarsimasoq?*

Taamanikkut periarfissaqaarsimanngilaq aningaasanut inatsit malillugu sulianut taamaattunut aningaasatigut ikiorsiinissaq.

Taamaammat Naalakkersuisut AI 2006 aqqutigalugu tassanngaannaq pisoqartillugu ajornartorsiulersunut ikiorsiinissaq periarfissaqalersippaat, aningaasanik aammalu kinguaassiuutitigut meeqqanut kajungerisaqarneq pillugu suliani annertunerusuni ikiorsiisoqaarsinnaanngorlugu.

8. maj 2006
J.nr. 01.20/2006

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

4. Pisup assinga pinngitsoorniarlugu, Naalakkersuisut sunik suliniuteqarsimappat?
Ilaqtariinnermut Pisortaqrarfiup paasisitsiniaaneq annertoq aallartittussaavaa 2006-imi 2007-imilu ingerlasussaq, tassani tarnit pissusaannik ilisimasalik siunnersortillu angalaqatigiit illoqarfinni sulissallutik ilaatigut assigiinngitsunik sulialinnut pikkorissartitsisarlutik innuttaasunillu ataatsimiititsisarlutik. Illoqarfinni sulineq pinaveersaartitsinermuttaaq tunngasuussaaq siusissukkut suliniuteqartoqartarnissaa siunertaralugu. Kommunit suleqatiserineqarsimapput aperineqarsimallutillu taamatut ingerlatsinermut peqataarusussinnaanersut. Kommunini sulinermi kommunit pisariaqartitaat kissaatigisaallu aallaavigineqassapput. Tamakku saniatigut nuna tamakkerlugu tusagassiorfitsigut paasisitsiniaanerit aallartinneqassapput, tassani isumassuineq, sumiginnaaneq kinguaassiuutitigullu atornerluineq pingaarnertut sammineqassallutik. 2006-imi 2,5 mio. koruunit aamma 2007-imi 2 mio. koruunit atugassanngortinneqarput.

PAARISA 2003-mi meeqqat atuarfiannut "Uangaana Timiga/Min krop er min"-imut ilinniartitsinermut atugassanik suliaqarlunilu nassiussaqaarsimavoq. Ukiami 2006-imi meeqqanik kinguaassiuutitigut atornerluisarneq akiorniarlugu nuna tamakkerlugu paasisitsiniaanermik nutaamik aallartitsisoqassaaq. Tassani pingaartinneqarpoq inuiaqatigiinni oqallitsitsinermik aallartitsisoqassasooq, tassanilu meeqqat pisariaqartitaannut ataatsimoortumik akisussaaqatigiinnissaaq, meeqqat timiminnut nammineerlutik aalajangiisuunissaat pingaartinneqassallutik, peqataanillu uagut inuiqatigiittut kinguaassiuutitigut atornerluisarnermik akuersaartussaannngitsugut nalunaarutigineqassalluni.

a. Kissaatigineqarpoq paasisallugu Narsami Nunattalu sinnerani pinaveersaartitsinermut Naalakkersuisut aningaasat qassit atorsimaneraat.
Ilaqtaariinnermut Pisortaqrarfik Narsap Kommunianut aningaasanik tunniussaqaarsimanngilaq meeqqanik kajungerisaqarneq pillugu suliaq eqqarsaatigissagaanni.

PAARISA pinaveersaartitsinermut siunnersorti pillugu Narsap Kommunianut suleqatigiinnissamik isumaqatigiissusiorsimavoq. Taanna naapertorlugu pinaveersaartitsinermut siunnersortimut akissarsiat tamarmiusut affaat PAARISA-p utertissavai, 2005-imilu 141.892.52 koruunit utertinneqarsimapput. Kommunit tamarmik ukioq allortarlugu tikeraarneqartassapput siunnersuinermillu ikiorneqarlutik. Narsaq kingullermik upernaakkut 2005-imi tikeraarneqarpoq. PAARISA-mit tunniussat allat eqqarsaatigalugit kommunit assigiinngitsumik pineqarneq ajorput. Pinaveersaartitsinermut siunnersortit ukiumoortumik nuna tamakkerlugu pikkorissartinneqartarnerannut atatillugu aningaasartuutit tamarmik PAARISA-mit aningaasartuutigineqartarput. 2006-07-imi pinaveersaartitsinermut siunnersortinut immikkoortumik ilinniarnermik aallartitsisoqassaaq. Erseqqissarneqassaaq peqqissutsimut suliaqarnermut sinerissami napparsimavinni tamani nukippassuit atornerqartarmata, tassunga ilanngullugit pinaveersaartitsineq peqqissutsimillu siuarsaanissaaq.

5. Kina pisuunersoq inissineqarsimava, qanoq ililluni ajornangitsumik, meeqqanik atornerluisimasup Aasiaallu kommuniani 27-riarluni pinerlussimasutut eqqartuussaasimasup, ajornartorsiuteqarani Narsami meeqqanut ileqqupiluni ingerlatiinnarsimasai pillugit.

- a. Naagaartoqarpat, Naalakkersuisut isumaqarpat taava, pisuutitaqarnissaq inuttalernerqassasoq?
- b. Pisuutitsinerup inissinnissaa pillugu qanoq Naalakkersuisut iliuuseqarniarpat?

Nalaataq taanna ajoqisoq pillugu paasissutissat aallaavigalugit tunngavissaqanngilaq ilimagissallugu, inuk pineqartoq meeqqanut immikkut tatigineqarluni peqateqartarsimassasoq, soorlu suliffik imaluunniit peqatigiiffeqarneq aqutugalugit. Peqatigiiffeqarneq pisortallu avataanni atornerluineq pisarsimavoq.

Inuk pineqartoq meeqqanik kinguaassiuutitigut atornerluinermigut siusinnerusukkut pineqaatissinneqarnermigut qanoq isilluni iperagaaqqanermi Pinerlussimasunut Isumaginnittoqarfimmit paarineqartarsimanersoq kiisalu paaarineqartarsimappat qanoq sivistigisimanera qanorlu ittuusimanera kiisalu tamanna iluatsissimangippat apeqqutinut, taakku Ilaqutariinnermut Pisortaarfimmit Justitsministeriaqarfimmut akisussanngorlugit nassiunneqarumaarput. Taakkununga akissutit kingusinnerusukkut Inatsisartunut nassiunneqarumaarput.

Naalakkersuisut aamma pingaartippaat Kalaallit Nunaanni isertitsivinni aamma katsorsartinnissamut neqeroornissamik eqqussisisoqartariaqartoq. Inunnut allanut eqqartuussivitsigut akisussaasoqassagaluarpas, tamanna politiit paasiniaanerat tunngavigalugu nalilerneqartariaqarpoq eqqartuussivinnilu aalajangerneqarluni. Naliliinermut tassunga Ilaqutariinnermut Pisortaarfik apeqquteqartussaasutut piginnaassalluni imminut isiginngilaq.

Tamaasa eqqarsaatigalugit Ilaqutariinnermut Pisortaarfik naliliivoq, pissutissaqanngitsaq akisussaaneq suliffimmut imaluunniit eqqartuussivimmut inississallugu.

6. Naalakkersuisut allanik paasissutissiisinnaappat pisimasoq nuanniitsoq pillugu? Suliamut nuanniitsumut tassunga Naalakkersuisut allanik paasissutissiisinnaanngillat, Narsap Kommunianut suli oqaloqateqartarneq eqqaassanngikkaanni.

Inussiarnersumik inuulluaqqusillunga

Aleqa Hammond